

菩薩本生鬘論卷第二

聖 勇 呂 薩 等 造

宋朝散矣試鴻臚少卿同譯經才大師絕德慧詞等奉 詔譯

最勝神化緣起第四

爾時世尊遊化居止摩竭陀國王舍城中將諸弟子大阿羅漢一千二百五十人俱時彼國王名洴沙王稟性仁賢久植德本已證初果得不壞信奉佛之心倍加隆厚常以上妙飲食衣服卧具醫藥供養如來及比丘衆是時國中先有外道六師之徒富闍那等久在王境宣布邪教誑惑庶民信服者衆王有一弟崇尚其宗四事欽承謂其有道佛日初出法寶肇興王意慇懃俾令歸向固執邪說不從勸諭乃白王言我自有師不復致敬彼瞿曇也王復謂曰福田難遇可營珍饌供養如

來然王所教理不敢違當設大齋不限來者若其自至我當延之備設飲食敷置牀座乃令從者密召六師應命而來處尊而坐佛及衆僧不自來赴王謂弟曰汝雖不能躬詣請佛特遣一人白言時至佛受請已將諸大眾威儀詳肅來赴會所見諸外道先踞高位乃以神足移彼六師及徒衆等皆置下行彼咸相顧各起移坐坐定復見已在其下如此至三俛仰而坐次行淨水佛語施主先與汝師澡瓶口塞從佛爲首水乃注下次當施食佛語施主當請汝師以施其食六師口噤不能出言但指於佛佛呪願梵音清徹聽者樂聞次當行食佛語施主先奉汝師食乃住空持至佛所食即還下佛與衆僧飯食已訖盥漱齒木敷座而坐次當說法佛語施主令汝師

說如前口噤但指佛說是時如來以梵音聲廣爲衆會演微妙法大衆聞已咸悉了達洴沙王弟心淨信解歸依三寶得證初果自餘衆會有得二果乃至漏盡無學果者時外道輩所向失利甚懷恚惱心無暫安各於靜處求學奇術天魔波旬慮其怯弱不能保護昔所授法乃下化作六師相狀於一人前現五人術飛行空中身出水火分形散體種種變現由是邪徒更相恃賴念前被辱衆心離散今察已能定可勝彼即詣王前自誇神異請對試之見其優劣時洴沙王乃哂之曰觀汝邪徒愚迷特甚佛德廣大言莫能宣欲以螢火與日爭明蹄涔之水比於巨海蟻垤之阜等於須彌野干卑軀方於師子小大相形昭然自顯六師白言大王未測我之殊變何因

偏心見薄如此期後七日請置試場王詣佛所具陳上事唯願世尊暫屈威神伏除邪黨悉歸正道佛言大王我自知時王聞是語謂佛許可即勅臣吏擇寬廣處修治平正使令清淨建立幢旛施設牀座當其會日人民企望於是如來將諸大衆自王舍城往毗耶離國時彼大王名曰嚙磋將諸臣庶奉迎於佛六師邪徒咸唱是言久知瞿曇智術微淺將迫較勝畏而避去時洴沙王聞佛前進辦諸供具滿五百車王及臣民可十萬數備其所須悉隨佛往外道即白嚙磋王言請與沙門揔其神化王乃謂曰咄哉癡人自云有道但慮汝輩自貽毀辱王白佛言六師紛紜欲比奇術唯願如來制其邪惡佛言大王我自知時聞說是已謂佛許可嚴治備辦如洴沙王

民庶佇觀期在明日是時如來自毗耶離統領大衆詣拘睺彌國時彼大王名曰優填集諸臣民悉來奉迎毗耶人民明晨問佛云何已往拘睺彌國六師由是高心愈增語其徒曰見必窮逼時嚙蹉王聞佛前進亦備供具

右一

三

滿五百車以俟供養王及臣民充七萬數備其所須悉隨佛後自拘睺彌國往越祇國自越祇國往特叉尸羅國以至波羅柰國迦毗羅衛國舍衛國等于時世尊所歷之境王及臣民千萬億衆悉來奉迎供養恭敬每至一國彼六師輩常逐於後求佛揔試廣衍已能皆如前說時諸國王所將臣民無量百千萬億之衆充塞川野集舍衛國時彼大王名曰勝軍有大名稱威德特尊時六師輩前白王言請與沙門較其優劣潛奔諸國意欲求避

我與徒屬今遂至此時勝軍王謂外道曰如來聖德難可思議汝輩凡愚輒論勝負王詣佛所具陳上事唯願世尊略施神化普令諸國一切辟迷覩佛神通辨其邪正佛言大王此非小緣今正是時如其所請王勑臣吏嚴治會所廣積香華敷設牀座諸來大衆皆悉雲集當月一日於晨朝時佛與大衆初至論場勝軍大王是日設食淨心親手以奉楊枝佛受爵已擲殘置地忽然之間發生根莖以至青翠漸次高大三百由旬其條傍布二百由旬枝葉華果七寶所成有多種色隨色發光食其果者味如甘露一切人民覩是神變咸生信重讚言希有佛隨機宜爲說妙法聞法解悟得不退轉次第二日拘睺彌國優填大王請佛供養佛於兩邊化二大山高廣嚴

好七寶合成衆色晃曜一山之上出粳稻飯
香滑甘美如蘇陀味諸國土中無量有情共
來食之皆得豐足一山上出細嫩香草食無
苦澀而能充足象馬牛羊諸傍生類皆得飽
滿諸國人民觀是神變咸生信重讚言希有
左佛爲說法皆悉悟解得須陀洹果次第三日
十四大越支國純真陀王請佛供養奉佛淨水盥
漱棄地成七寶池一一方面每二百里八功
德水充滿其中四色蓮華清香遠布時諸衆
會觀是神變咸生信重佛爲說法心開意解
遠塵離垢皆得初果次第四日特叉戶羅國
陀婆彌王請佛供養是時如來於池四面化
八渠流激揚清波相連灌注水聲流演八解
脫法諸波羅密聞者皆發大菩提心次第五
日波羅柰國梵摩達王請佛供養如來口中

放金色光徧照三千大千世界蒙光照者身
心泰然猶如獲得第三禪樂佛爲說法得法
眼淨次第六日毗耶離國嚙嗟大王請佛供
養如來慈力平等加持普令衆會一切衆生
各互了知心行差別心所動作善惡業報咸
生驚喜歎佛功德佛爲說法各得了解發清
淨心住無生忍次第七日迦毗羅衛國諸釋
種族請佛供養佛以神力今在會者各見自
身爲轉輪王七寶具足千子圍繞小王臣民
恭肅承事各各忻慶讚佛功德佛爲說法皆
左悉樂求無上佛道次第八日帝釋天主知佛
十五世尊攝化邪黨下降人間請佛供養爲佛造
作七寶嚴飾師子之座佛坐其上光明煥赫
釋梵諸天侍立左右一切衆會寂然安坐是
時如來舒金色臂以手按座欵然有聲如象

王吼應時即有五大藥叉摧壞挽拽六師之座密迹金剛杵頭出火舉擬六師驚怖奔走慚此重辱溺水而死六師徒屬九萬人衆皆歸依佛願爲弟子佛言善來鬚髮自落成沙門相證羅漢果爾時洴沙大王復白佛言世

尊今者六師生雖遇佛不蒙濟度願聞往因佛言大王善思諦聽乃往過去無量世時此閻浮提有一國王名賈拘利久居寶位未有聖嗣念是事已心沒憂海廣興福業祈滿此願時天帝釋化一醫師來詣王前問其憂意王以上事乃具答之醫曰爲王入雪山中採取靈藥與后妃服後當有子王曰甚善於後醫師採藥還官用乳煎藥進上使服王后見已避臭不服兼亦不信化醫遂去餘諸宮嬪競分藥飲服之未久咸覺有娠是時王后悔

惱愁歎悔求前藥唯得少滓以乳煎服後亦有子餘諸夫人月滿生子各各端嚴王大歡悅最後王后乃生一子面貌極醜形如株杌王與其后見之不喜因是立名株杌太子年漸長大武勇冠世時彼鄰國群寇犯境乃遣太子擊之退散王加愛念訪其良匹遠國有王名黎斐跋蹉王有一女容止端正遣使求親乃蒙相許六國聞之各懷慕樂競來求聘舉兵相攻其王乃曰若許其一餘則生恨能却他兵當與女適是時株杌聞是說已審爲實爾乃利其器方在壯年戰而得勝乃取六首獻跋蹉王生大歡喜納以爲婿奪諸士卒與妻還國婦覩醜狀常有怖色王子愧恥心不自寧便至林中乃欲自盡帝釋遙知下至其所善言慰喻賜一寶珠密令置此於汝項

上可得容儀如我無異跪而受已喜而還家婦見不識乃語之曰卿是何人夫即具說得珠之由株杌之名自茲而息乃更其號須陀羅舍佛言大王當爾之時賒拘利王者今淨飯父王是王夫人者今摩耶是醜王子者今我身是昔美婦者今耶輸夫人是昔六王者今富闍那等六師是

如來不爲毒所害緣起第五

爾時世尊遊化依止王舍城中時彼國主阿闍世王創發淨信歸依於佛四事供養曾無所乏大臣人民四部之衆咸於如來親近恭敬以梵音聲說微妙法教諸弟子斷十惡業勿殺生命竊盜他財作非梵行妄言綺語兩舌惡口貪瞋邪見是諸衆生蒙佛教誨修行十善於佛法中清淨而住時有長者名曰申

日財富無量有大威勢從昔已來承事外道深著邪見婆羅門法時外道輩見阿闍世王大臣人民於如來所歸奉者衆而我徒屬不霑惠施心懷憎嫉欲作損害詣長者所共相議曰沙門常說了三世事預知他人心之所念今可驗彼爲實爾不長者曰然以何試之外道告言當須長者詐作歸依請佛就舍略陳微供彼若遙知應不見許若受請者必遭所困乃令長者先於門內鑿大深坑多積熾火危布鐵椽薄土覆上伺其沙門領徒至此曲躬傍引揖之上行若其安然無所損者可命沙門次當就食即以毒藥和飯授之申曰云善一如所教便令掘地速辨斯事即詣請佛具伸虔意知其根熟默然許之時諸外道皆大歡喜長者有子其名月光年十六歲具

相聰利久植善本得宿命智乃白父言如來
神鑒舉念即知外道愚人慎不可信時彼申
日不從子言穿坑置火以毒和飯遲明遣使
請佛臨訪如來知已勑諸比丘執持應器從
吾之後四大天王釋梵王等天龍鬼神皆悉
隨侍是時如來現諸神變放金色光耀申日
舍與諸大衆安詳而來身相巍巍如星中月
將至其門地六震動病苦有情皆得痊愈盲
者得視聾者能聽毒者得消狂者得正一切
音樂自然發響珍禽瑞獸率舞和鳴所覆火
坑佛神力故化成清淨廣大池沼於中復現
千葉蓮華如來徐步履上前入諸大弟子各
各皆蹈百葉蓮華行列而進於是申日覩佛
神變省已無知生大憂怖頭面著地悔過自
責食時將至忽遽欲炊上妙香飯以奉如來

佛即止之但持毒藥所和飯來不須復造佛
語大衆受是飯已且置鉢中未可食也世間
凡夫有其三毒一者貪欲二者瞋恚三者愚
癡我今已於曠大劫來滅煩惱火心得清涼
於此三毒永盡無餘假使毒藥大如須彌所
穿火坑廣於大海則於吾身不能爲害以佛
法僧實行力故一切惡毒自然消散作是說
已令食鉢飯佛及大衆一無所損彼外道輩
潛竄泥跡申日長跪頂禮佛足白言世尊我
大愚癡信彼邪師造此惡行唯願大慈哀愍
攝受授我懺悔今離憂怖如來爲說苦集滅
道四聖諦法長者聞已心淨信解得證初果
作禮而退

兔王捨身供養梵志緣起第六

菩薩往昔曾作兔王以其宿世餘業因緣雖

受斯報而能人語純誠質直未嘗虛謬積集智慧薰修慈悲不生一念殺害之心於彼無量百千免中稟性調柔居其上首爲彼徒屬講宣經法勸令諦聽善思念之我及汝等無始劫來不修正行隨惡流轉由四種因墮三

古一

十九

惡道所謂四者貪瞋癡慢或由慳貪造十惡業以是因緣墮餓鬼中慳增上故其咽如針長劫不聞漿水之名設得少食變成火聚皮骨連立受饑渴苦或由瞋恚造十惡業以是因緣墮傍生中或爲鷙獸虎兕毒蛇無足多足更相食歟受駝牛報負重致遠項領穿破償徃宿債或由愚癡造十惡業以是因緣墮於地獄無淨慧故撥無因果毀佛法僧斷學般若入於苦處八寒八熱刀山劍林種種治罰或由我慢造十惡業以是因緣墮脩羅中

心常詭曲貢高自大離善知識不信三寶雖受福報如彼天中常苦鬪戰殘害支節我今略陳如是諸趣所受衆苦若具說者窮劫不盡又我與汝盲無慧眼癡增上故受此免身常受饑渴乏於水草處於林野周憚驚怖或爲罝網機陷所困爲彼獵者之所傷害現受此苦深可厭患汝等各各發勤勇心修十善行趣出離道求生勝處是時兔王常爲同類宣說如上相應法要有一外道婆羅門姓厭世出家修習仙道遠離愛欲不起瞋恚飲水食果樂居閑寂長護瓜髮爲梵志相忽於一時遙聞兔王爲彼群免宣說經法而自咨嗟乃作是言我今雖得生於人中愚癡無智不及彼免了達善法開悟於他此必大權聖賢所化或是梵王大自在等我因得聞彼所說

法身心泰然離諸熱惱今此免王自性仁賢
善能發明先聖之道分別善惡報應之理我
從昔來棲止山谷草衣木食求出離道未逢
師友如是教誨今始遇之喜躍無量是時仙
人即起合掌詣免王所安徐而言竒哉大士

右一

二十一

現此權身能爲有情廣宣法要汝今真是持
大法者必當所蘊正法之藏願今爲我開示
演說最上究竟出離之道我先修習婆羅門
法久受勤苦殊無所益譬如有人信順愚夫
鑽冰求火不可得也願投仁者作歸依處時
免答言大婆羅門我今所說解脫之法能盡
苦際稱汝機者但當發問無所惜我已久
除慳貪之垢爲利有情樂住生死化彼同類
受是免身是時仙人聞是說已心大歡喜得
未曾有我今幸得親附慈化願垂教誨勿辭

勞倦凡歷多年義深親友食草飲泉與免無
異時世人民枉行非法慣習罪惡福力衰微
善神捨離災難競起共業所招令天亢旱經
于數載不降甘雨草木焦枯泉源乾涸時婆
羅門即作是念我今年邁復闢所食若唯止
此轉增饑羸乃白免言今且暫離往至餘處
幸勿見訝免即告曰大仙今者不樂其所誠
恐悞犯異乞容恕久要之言俄成輕別婆羅
門曰此處幽寂絕其過患諸免調順各不侵
撓但我薄祐乏其所食久依大士獲聞法味
要當終身藏之心腑願廣其傳以濟群有絕
漿亡食已經旬日恐命不保虛捐前功免聞
是已悲哽而言今此睽違何時再遇願留一
宿虔伸薄供是時免王語群免曰今此大仙
道力堅固是善知識最上福田汝等勗力多

積乾薪共助晨食供爨之用乃詣仙所復作是言唯願明旦必受我請仙即許之彼婆羅門佇思詳審今此免者爲何所有或得斃鹿或遇殘獸心生歡悅勤請如是是時免王謂群屬曰今此大仙欲捨我去無常別離世態若此衆生壽命猶如幻化果報一來無能脫者是故汝等當勤精進求出離道得盡苦際爾時免王終夜不寐爲彼同類說如是法當其清旦詣積薪所以火然之其燄漸熾白言大仙我先所請欲陳微供今已具辦願強食之所以者何智者集財積而能施受者憐愍要必受用我今貧乏施乃爲難唯願仁者決定納受我欲令他獲安隱樂自捨己身無所貪惜共諸衆生證無上覺說是語已投身火中時彼仙人覩是事已急於火聚劙匍救之

不堅之身條焉而殞抱之于膝悲不自勝苦哉大士奄忽若此爲濟他身而捐己命我今敬禮爲歸依主願我來世常爲弟子發此誓已置免於地頭面作禮而復抱持即與免王俱投熾燄是時帝釋天眼遙觀即至其所興大供養以衆寶建窣覩波佛語諸比丘昔仙人者彌勒是也彼免王者即我身也

菩薩本生鬘論卷第二

左

三

音釋

飼 祥吏切 餵也 瘰疽 瘰於容切 瘰通於神帝切 舐 神帝切 貿 莫
切 交迄 許訖切 通七余切 舐舌餳也 貿候
易也 迄至也 通七余切 舐舌餳也 貿候
垂髮也 齏初愕 五各切 舐口閉也 貿口閉也
覩切 毀齒也 驚遽也 嚥巨禁切 舐口閉也 貿口閉也
蘇奏切 漱杜奚切 淬鉏針切 盡漱盥古
蹄 滂蹄 滂牛馬跡中水也 嚅嗟嘅力

達 暮 七 質 切 磔 以 桑 欲 許 多 切 鴟 雀 勇 義 切
寺 苦 何 切 眇 乘 切 忽 也 也 亂 烈 猛 也 連
勝 圭 切 乘 乖 也 犢 七 亂 烈 猛 也 連
勝 切 背 也 犢 七 亂 烈 猛 也 連